

四庫全書

集部

欽定四庫全書

集部

尊白堂集卷三

詳校官右中允<sub>臣</sub>薩敏

主事<sub>臣</sub>呂雲棟覆勘

稽錄監生<sub>臣</sub>程廷璋

欽定四庫全書

尊白堂集卷三

宋 虞儔 撰

七言律詩

歲除

除日催人不耐頻  
那堪月小不圓旬  
誰能椒頌花如錦  
自寫桃符筆有神通  
夕留連分歲客  
明朝多少賀年人  
壽觴舉處慈顏喜  
却是萱堂賸得春

述情

與蕭東夫相別幾二十年矣此來假守吳興而東夫  
令嗣監酒赴官池陽迎侍以行舟次城下遂得一見

小詩述情

間濶忻逢諸葛豐不應阮籍哭途窮擬留重客傾家釀  
更喜賢郎有父風詩思憑陵煙雨上官情抖擻簿書中  
擊鮮下舍聊乘興未許黃堂舍蓋公

真情

比以詩送仲本行使君謝用光復用韻曲留之親親

之義厚於故人此人之真情理之正也再賦以廣使君之意

魏紫姚黃次第榮政須親戚話真情樓臺是處增詩興  
羅綺叢中放酒行下榻能留黃叔度高齋端有謝宣城  
却憐老令卑栖甚目送歸鴻意自傾

春晴

萬里陰雲一戰收怪生和氣襲兼裘崑山龍過初銜燭  
賜谷烏飛不傍舟曝背爬搔疑挾纊凍軀偃僂快伸鉤

老農扶杖閒相過一味豐年說不休

結習已空摩詰袂苦寒聊解拾遺裘梅花已負先驅弩  
竹葉隨牽下瀨舟門外有誰驚剝啄林間何處叫鉤輅  
詩人莫費雕肝腎付與晴窓茗椀休

祈晴

何許龍蟠雨應求參天老木古靈湫投誠已自割鵝頸  
激怒寧煩擲虎頭南畝有人朝負耒絕潢無客夜行舟  
寄言神物須終惠為挽天河使倒流

過西山遇雨晚晴乘涼以歸

巖前垂溜忽涓涓疑是池龍肯着鞭千嶂黑雲纔過雨  
一番白水又平田潤添杭稻翻涼葉喜入樵蘇爨晚煙  
馬上歸來聞好語荷鋤相對說豐年

休日欲報謁林子長值雨不能前用小詩以謝  
不敏正月三十日

朝雨城南柳色新溪光溶漾宛如銀地偏心遠開三徑  
風引船回欠一巡二月欲來正月盡三分已過一分春

金剛經疏  
卷三  
鶯啼燕舞非吾事管領韶華自有人

賀御帶欲載糯米入城先以詩叙情因次韻只  
此便當執狀也

種秫詩人也未窮百篇欲就醉顏紅却思白墮相逢晚  
不分青銅一笑空卧甕更須防吏部抱琴應不問新豐  
何當乞與青田核聖處時時任一中

伯兄挽詩

鄰雞催曉破秋天一枕邯鄲便脫蟬應了世間如夢幻

況於酒裏得天全  
鴻陂曩昔聞謠鵠  
下舍淒涼念擊鮮  
誰遣驚風吹鴈序  
不堪雪涕望新阡

曉晴

屋角勃姑時自喚  
籬根絡緯競先鳴  
刈禾政想頽肩重  
揚秕那愁眯目輕  
考滿我應書下下  
賑荒人謂策平平  
回思舊歲民情惡  
不但中山有啜羹

丁欽夫來宰吾縣  
幾年清德美政茲  
不復道二詩送行  
意之所寓欽夫固  
已默喻他日見東

夫告出似之發數百里一笑

明月從來忌暗投  
污渠尤忌映清溝  
上書未辨誅屠伯  
束帶何曾問督郵  
袒裼直前當暴虎  
善刀那見有全牛  
區區三仕并三已  
喜愠眉間了不留

綠漲春波到白蘋  
高懷寧便憶鱸蓴  
綠誰一笑理歸棹  
為我千巖訪古人  
已狎風波浮宦海  
可能霄漢隔通津  
割鷄却嘆非吾事  
況是旁觀亦損神

送朱宰

疇昔鳴琴子賤堂至今絃誦尚悠揚  
農桑樂歲千家足桃李春風幾度芳  
疾惡政緣同伯厚愛民何止一桐鄉  
烏臺此去真朝夕劍履還須去尚方

一識荊州已是榮二年尤足慰平生  
從來東粵輕公子只有臨邛貴長卿  
慘別翻令詩句鈍臨行重把酒壺傾  
故人聞道開東閣拭目雲霄九萬程

和汪倅

城頭杖屨恣延緣終日看山也自賢  
浮蟻釀來堪把醖

飛鴻送盡且揮絃捲殘簾幕千家雨倚遍闌干四角天  
渭北江東何處是謫仙詩興政飄然

寄同年林子長郎中

功名雖結少年場看鏡空驚兩鬢蒼我已青冥甘蹭蹬  
君今列宿倍輝光寸心祇自懷三徑尺素何妨枉一行  
多謝南宮故人報日邊消息想能詳

苦雨

經時梅熟雨翻盆老我無聊正杜門日焙衣中留白醖

年侵腰脚倦黃昏掃除雲霧風無力點滴軒楹漏有痕  
入市乘船雖未驗溪流已漲幾番渾

漢老弟生朝

風流曼倩碧雲仙慣見兒嬉壽母前莫訝科名後餘子  
要教富貴出長年鵲黃新釀香浮甕鴈翅橫秋影接天  
端的姮娥消息近南坡丹桂已開先

元宵不出

東風搖蕩玉奩冰車馬從人喚不磨賴有麴生來入座

了無魔女與分燈  
夜深月色明如洗  
寒在梅梢瘦不勝  
却笑少年行樂地  
華胥枕上太惺騰

出郊勸耕因遊吳山清隱

第一林泉得縱觀  
春風隨步着欄干  
山圍梅雪千株在  
門納湖光十里寬  
水上濕紅雲片段  
亭前鮮碧玉檀栾  
主人才調渾相稱  
題柱詩篇一一殳

中秋不見月寄耘老弟

舉盃邀月且留殘  
覆雨翻雲意未闌  
自是陰晴難準擬

莫將懷抱逐悲歡  
燈前白髮驚秋半  
鏡裏清光有歲寒  
玉斧祇應修未就  
素娥寧許等閒看

和郡人湯倅中秋月

怪底今宵眼界寬  
銀潢不動蘸金盤  
未應天上追時好  
無奈人間別樣看  
酒醖飄零驚鶴唳  
笛聲哀怨起龍蟠  
經年不復南樓夢  
且作三人取次懽

和鮑倅同湯歐二倅春日郊行

別駕聯鑣喜在垠  
不妨修契繼蘭亭  
雅知社結池蓮白

況復詩成水荇青  
問訊梅花才半樹  
漸看柳絮又浮萍  
風光流轉須時賞  
爛醉從今莫放醒

閏二月二十九日早離廣德大雨日午晚晴又

雨宿黃蘗坊

家山入望更貪程  
造物無心雨與晴  
今日莫愁明日近  
一程但作兩程行  
生須快意何嘗夢  
久不還鄉亦自驚  
親戚因應情話在  
爭先僮僕已歡迎

赴吳興初入境是日立春

詔書催發太頻頻

原註十一月二十一日除書下凡七次被受省劉催趣之任

千騎

東來喜望塵不為尋芳寧較晚  
固應入境便頒春風和  
漸覺旌旗轉野曠遙聞鉦鼓新  
千里嗷嗷方待哺自慙  
何以慰斯民

耘耔弟五月十三日親往新亭種竹喜而賦

詩

移竹應須竹醉時不妨帶笋一時移  
清陰且障東西日  
碧色還分上下池  
歲晚雪霜成老伴  
夜涼風月得新知

謁來便有親親意玉立無言似索詩

曾守譙樓既成邀賓從同登議閣雙門以復舊  
觀從士子請也

樓下遺蹤宛可尋尚須賓從一來臨三峯崒崒渾依舊  
雙闕岢峨復見今麻麥向來迷綠野簪纓久矣負儒林  
使君不惜褰帷問慰我邦人望望心

再和

傑閣危欄不許尋境環千里望中臨古桃風物寧非舊

甲子規模廼到今堪笑折腰趨府事何如長嘯入山林  
故園猿鶴休驚怨出岫孤雲豈有心

和聞鶯

度柳穿花故故遲黃金新刷羽毛奇驚回午夢花梢日  
啼破春愁柳絮時老去上林空好語向來幽谷有誰知  
紛紛雲雨成翻覆求友唯君慰我思

清平閣

律身端合勵冰清莅政尤須稱物平知是夫君深寓意

雅宜斯閣遂安名池幽自足龜魚樂林靜休教蟲鳥鳴  
況復官閒州似斗不妨時此濯塵纓

用韻和仲兄

蟠鼠相將五技窮東來歲月太匆匆冷官敢恨知音少  
直道難教與俗同翻憶對床聽夜雨不堪舉扇障西風  
詩來喚起還家夢目斷成行天際鴻

遊宦十年于外歸自浙東覩西山先塋周圍林  
木氣象大非昔比蓋緣藩籬旣徹本家樵採不

以時外人侵盜復無禁理勢固應爾也今春憂  
居遂協謀兄弟倣先君舊來規撫創夾籬界庶  
外人知吾輩用意所在有所忌憚不肆侵盜而  
本家樵採亦有時云耳因以詩識歲月

萬畝墳山遍野陰幾年樵採到如今藩籬有限重加護  
斤斧無端免見侵缺處更須頻檢校暇時何惜一登臨  
先君暗裏應傾倒方信流長源更深

讀白樂天詩集

詳觀白傳一篇詩長日何須一局碁字細縱然勞眼力  
理長尤是契心期誇張歌酒渾相似消遣窮愁亦自知  
大節更思公出處寥寥千載是吾師

喜晴

黃堂通夕聽簷聲去謁靈湫及未明畫鷁破寒收宿靄  
老龍擎日獻新晴何須厭勝驅黃帽况復精誠却衛兵  
盡道使君能撫字歸途爭看古陽城

洞中龍亦驚先聲輜斂雲陰放日明久雨也知田父苦

十分端為使君晴但令渤海捐刀劍不用天河洗甲兵  
昨夜鈴齋詩欲就鬼神聞已泣蒲城

雨占甲子向來頻誰道開晴必換旬雲過陽臺空有夢  
雪消姑射漫凝神林間却喜鳩呼婦簷外何妨鵲噪人  
可怕西郊泥一尺徑須躍馬去尋春

連宵驟雨喜初晴何處殘蟬不亂鳴晚熟豈妨秔秫好  
秋聲先傍竹梧輕紛紛雲散心安在隱隱雷收氣未平  
半菽驚魂猶未定老農那得不懲羹

雨餘天宇十分清到處官蛙噪不鳴殘點喜聞簷溜斷  
新涼更覺葛衣輕飛揚楚觀人無夢畜縮胥濤怒已平  
滿眼秋風歸未得却慚千里話蓴羹

原註中秋漸近

西風有意作新晴不遣中宵鶴鶴鳴紅袂行雲仙夢斷  
青燈對酒客愁輕起看攏首禾無害見說溪頭水已平  
蓴菜鱸魚秋正美誰能分我一杯羹

諸公妓飲問政堂有謂予不來者借韻呈司戶

同志

廣文官舍自蕭然好事何人與酒錢  
慣伴諸生甘寂寞倦從猿子醉妖  
妍靜揮綠綺心逾適渴飲門冬手  
自煎疇昔東山懷雅尚未須輕鄙  
笑臞仙

再和

生涯冷淡我胡然客裏空囊愧一錢  
已負酒杯同笑語彊排詩句鬪清妍  
官閒祇起樊籠嘆內熱真猶膏火煎  
試問聚蚊成一餉何如高枕夢遊仙

再和

幾日齋廚愧索然信君高會拚金錢  
邇來此樂城中少況有今宵座上妍  
連放酒杯浮潋灩須防更漏解催煎  
閉門獨坐何由羨漫攪枯腸賦八仙

再和

孤遊冷宦嘆徒然安得通神十萬錢  
南北阮家何似富東西施子廼爭妍  
歌筵憐我應無分詩債憂君苦太煎  
却憶金明年少事春風得意醉羣仙

再和

東家誰念我累然慚愧何曾十萬錢  
病骨那禁三伏熱  
長眉空負十分妍  
睡涼喜有青奴伴  
藥瞑頻呼赤脚煎  
閣束簞瓢緣少味  
非關辟穀要求仙

輦使君一新社稷壇宇次汪倅韻

巋然壇宇俯清流  
須信規摹跨別州  
端為苴茅崇屏翰  
要知束楚貴綢繆  
治聾有酒煩分饋  
宰肉何人歎滯留  
天欲吾公安社稷  
未宜小試羨三休

食洞庭橘有感

金史卷三  
洞庭霜橘偶明珠磊落堆盤照坐隅九頌固應原取友  
千頭寧與李為奴佳名自昔南邦貴丹實由來北地無  
此日滿懷三嘆息惻然天地一身孤

詠打扇

腕脫何須問小童汗流聊復慰衰農聯翩天下一輪月  
簸蕩人間萬竅風螢火招來還自照蚊雷揮去覺羣空  
散仙未辨朝閭闔乞與羲皇笑傲中

春晚漢老弟不來有懷南坡

如麻密雨不收脚妬花惡風常打頭那無一日好天氣  
只有千山供客愁垂楊未繫金娘娜隔葉倦聽黃栗留  
南坡是處堪欣賞把酒還曾醉我不

和耘老弟南坡芙蓉

簇簇坡頭錦繡叢幾番消息問來鴻素商未遣先驚綠  
青女何妨更染紅向日墜培曾覆簣有時灌溉亦連筒  
年來羈宦成離索却欠看花一醉同

夏芙蓉

四月池邊見拒霜園丁驚問此何祥花如雲錦翻新樣  
葉似宮袍染御香病不能陪花酒伴詩猶堪譟鼓旗傍  
諸君筆力迴元化努力先春壓衆芳

老子而今兩鬢霜未應癡絕泥襪祥不能木末寒朝露  
爭免籬邊嗅晚香便合折來書卷畔詎宜簪向寶釵傍  
漫山千樹方芽甲肯信人間有早芳

勸農

平生憂國願年豐荒政那知技已窮千里農桑千里雨

原註是日  
天微雨

一番桃李一番風  
宦遊老去春強半  
勸相歸  
來日過中自媿  
活人無好手  
只將水旱禱天公

石照勸農晚歸有雨

疎林拂拂見旌旗  
短銓翩翩度翠微  
十里好山供客醉  
一犁春雨勸農歸  
水流花出紅成隊  
麥雨天連綠打圍  
投老田園今晚矣  
不須五十始知非

虎丘勸農

春事三分破二分  
山郊勸相豈虛文  
通宵已過臺前雨

原註寺有  
西花臺

破曉誰耕隴上雲  
士女攜壺方雜遝  
老癯扶杖亦歡欣  
迂疎為郡渾無補  
只把豐年答聖君

再和

風月聯翩別駕分  
雙鳬飛鳥總能文  
苔痕點綠山頭石  
花影浮紅水面雲  
一舸鳴夷聊爾爾  
千巖啼鳥自欣欣  
徘徊斗粟歸田緩  
堪笑癡頑老使君

五月四日過西山道院田間記老農語

偶從野叟問耕桑  
說到春來日日忙  
老盡吾蠶桑自綠

化殘胡蝶麥猶黃迎梅已過三旬雨秧稻初齊五月涼  
天上何人調玉燭但知擊壤樂時康

次韻古梅

怪底昌園一種梅老枝強項獨遲開伶俜鶴膝翻嫌瘦  
斂斂龍鱗不受摧羞把冰肌混桃李故將粉面映莓苔  
廣平鐵石心猶在寧有詩情似玉臺

二十三日被旨再往天目謝雨留數語壁間

萬山深處得重來天目晴雲未放開盡喜山田秧穉

那愁石徑濕莓苔鐵冠道士今安在玉局仙翁去不回  
唯有洞中龍應禱果能因旱起風雷

和耘老弟冬夜聞雨有懷

蒲團睡思欲濛濛珍重賢人酒一中夜靜喜聽懸雷雨  
寒多更怯戰窻風簷花細落渾疑夢詩句頻催政未工  
雪擁紅爐愁不寐此時懷抱想君同

夜來四鼓枕上聞雨聲喜而不寐

雨聲天外倒銀潢枕上才聞喜欲狂鼓吹不須教兩部

稻梁行慶有千倉青缸照影花無睡紅袂行雲夢有香  
最好空堦瀉簷溜却疑並舍壓糟床

和七月初五日夜得雨

一尊情話向南榮好雨知時盆樣傾且喜黍苗饒歲事  
莫愁梧竹作去聲秋聲簷花夜永燈前落池草詩成夢裏

驚端的對床尋舊約韋郎曾賦五言城

道中雨

晨光欲動尚熹微漠漠春陰未解圍霧掩前村迷酒旆

風吹寒色着征衣功名底許妨行樂出處年來果是非  
一笑南坡歸夢裏滿山桃李政芳菲

龍池禱雨

御府金奩出寶薰燕來池上定知聞龍應覆手能為雨  
岫豈無心漫出雲秋插高田猶未遍泉流幽澗恐難分  
奉常典禮吾方與毋作神羞視秋文

過登源英濟廟祈雨

連年因旱禱叢祠未免斯民有怨咨擬學催科今晚矣

不能引去更何之下田敢有百車望好雨猶寬三日期  
慚愧農家私水利桔槔雖巧不容施

和湯倅梅花韻

玉奴端不負花期乞得東皇一笑歸淡掃娥眉憐號國  
半勻粧面妬徐妃有情立馬留新恨無賴啼禽送落暉  
金鉉政須和鼎寶莫嫌笛裏浪驚飛

蠟梅

龍麝濃薰總不宜幽香細細忽聞時蜜脾懸磬無餘味

鶴膝橫陳有老枝，玉蘂檀心還得似蠟顏。脂貌有誰欺，却疑不是人間物。三嗅慙懃與賦詩。

再和

冰霜元不與花宜，頗怪梅花亦後時。庾嶺別來無驛使，少林忽見有橫枝。化工真幻知誰辨，詩老題評豈我欺。世味飽諳渾似蠟，對花不飲漫賡詩。

和萬舍人折贈蠟梅韻

問訊江梅意未回，少林橫出不知裁。爭先賴有園夫報。

折贈空驚驛使來  
疎影暗香寧是伴  
蠟顏脂貌未須媒  
主人間說歸朝近  
且趁眉間喜色開

原註今日小報  
舍人落致仕云

再和

蠟綴枝頭春未回  
綳羅休用剪刀裁  
直須浮蟻相攜去  
應有遊蜂錯認來  
葦紫檀心真似假  
嬌黃粧額自能媒  
年來世味渾如此  
嚼蘂吹香一笑開

再和

步遶名園日幾回  
司花着意巧能裁  
影疎雅稱燈籠映

原註東坡詩有蠟紙燈籠

香細疑從酒面來

原註酒有蠟面

破白江梅羞月妬

黏紅僊杏待春媒何如新樣龍山種却在京都占早開

夜讀邵堯夫詩戲效其體再賦蠟梅

紛紛蜂子競生涯每到花時輒放衙懸室盡將花作去聲

蠟何人翻以蠟為花姑從凡卉論先後若比江梅有等差弄假像真真像假小兒造物未須誇

中秋夜微雨

醉張白眼望層空作意中秋一笑同忽訝微雲得急雨

縱妨明月有清風連宵桂近姮娥惜盡日槐忙舉子工

原註今  
歲科舉

勿指涼天云即是且須傾盡玉西東

十六日雲氣薄陰晚有雨微甚夜間頗涼恐明日未必有雨也

誰與天公沃亢陽灑塵微雨僅毫芒只憂南畝頻年旱  
敢愛北窗通夕涼何物興雲須蜴蜥幾時舞野定商羊  
會當直入雷霆室戲掉狂車下大荒

蚊

床前蠟紙一燈明  
殷殷聞雷數震驚  
忽去青天無鳥跡  
驟來紅樹有鶯聲  
嚼膚噬血寧甘死  
投隙穿帷太巧生  
為爾通宵愁不寐  
幾回枕上又詩成

青奴良夜偶相依  
斑扇團團亦倦揮  
我自蒙頭還引睡  
渠應瞞腹不能飛  
多愁白髮三千丈  
無分紅綃十幅圍  
安得西風來一掃  
固知么麼未勝威

王簿不憚暑途親扣石  
金祈雨盖有志乎民者  
也以小詩簡之

饑饉憂渠欲涸臻大田不雨已生塵何人有力能鞭石  
老令無能漫積薪諸佛未嘗違衆願上蒼寧不憫斯民  
誠煩仇覽登山履為扣巖前彼上人

委長洲趙丞禱雨陽山龍祠有應

不向龍祠小乞靈連宵那得雨冥冥勢方聚處中心喜  
聲漸微時側耳聽便覺田頭秧稻綠更誇隴首麥苗青  
豐登自此無公事只有棠陰蔽廣庭

再委趙丞陽山送龍禱雨

傳聞神姥產英靈雷電當時亦晦冥好雨固宜隨禱應  
夜憊曾誤幾番聽關心病守頭空白失喜農夫恨倍青  
水溢旱乾寧有數人間無路叩天庭

老龍高卧復何求韜斂風雷自一湫不恨如麻無雨脚  
却愁生耳有禾頭向來河內慚移粟此去江邊欲具舟  
龍若有靈須早計霖霖莫待火西流

原註夏旱則秋  
潦理之常也

昨夜雨又作方此祈禱輒得數語述懷

浮雨天公不肯晴區區香火屢哀鳴兩年苦潦民何罪

千里分憂責匪輕已幸早禾方露積正憐秋稼與雲平  
潸號莫敗西成好握手從來易覆羹

七月十四日夜大雨徹曉方止田家云早晚禾  
自此不憂矣喜而為詩

夜雨傾盆擣瓦溝簷聲洶湧碎江流安眠一枕西窗曉  
飽飯十分南畝秋老火熏天已無跡頻年赤地更誰憂  
起來喜撥床頭甕却待今宵月滿樓

五月二十七日夜大雨前三日熱甚

雷車誰喚阿香推  
釀雨雲頭簇不開  
猛熱急掀江漢立  
先聲偏上竹梧來  
高唐賦就何曾夢  
杜曲詩成不費催  
頗欲燈前同夜酌  
却愁牢落餽無臺

七月三十日大雨連宵

徹夜盆翻天井潢

原註魯直詩云  
潢流漲天井

迴瀾誰障百川狂  
鯢

方怒翼思溟海鼠  
已揺牙伺太倉秋  
着屏山驚客枕潤  
添衣籠費鑪香  
惠連應記池塘夢  
近有書來說對床

原註

近得家書云深秋  
來此尋對床之約

再和

乘槎有客泛僊潢  
咋指泥塗悔我狂  
此去不煩推謝令  
向來寧是尼臧倉  
愁驚過鴈鄉心碎  
喜溢浮蛆甕面香  
金井老梧秋色重  
時翻危葉墮銀床

十七日乘馬過草堂已而驟雨

此邦旱暵已連年  
民亦何辜欲籲天  
鳩拙林間時自喚  
龍慵潭底敢安眠  
忽看注雨如車軸  
便覺流泉滿稻田  
我亦駕言隨霹靂  
一瓢傾倒馬鞍前

下山雨驟

下山雖幸免顛躋驟雨冥冥步轉迷白馬已翻青嶂去  
黃鸝猶戀綠林啼人皆有路通霄漢我獨無橋渡澗溪  
且傍田塍歌側過從教甲子混塗泥

連宵風雨太飄颻頗訝龍吟意氣豪三座危橋過不易  
一溪湍水漲能高棲遲王事嗟何及咫尺威顏敢告勞  
袖取豐年天上去洗泥準擬醉香醪

寶熏降自九重天再歛龍祠禮亦專謝雨歸來還得雨

今年必定作去聲豐年彌天膏潤人皆喜連日奔馳我獨

賢回首家山今不遠固應慚恨不歸田

久雨

秋到天公日日陰林間厭聽鶉鳩鳴向來南畝頻憂旱  
此去西成只欠晴簷有漏痕看菌出徑無行跡認苔生  
夜窻細誦秋陽賦才謝坡仙和不成

和漢老弟久雨

簷聲點滴送愁頻夢雨連江遽一旬杜老多情還動酌

坡公何事却傷神  
渭城官柳難留客  
巫峽行雲不見人  
可是萍號工灑道  
東郊準備要迎春

喜雨呈太守

精禱能令天意回  
猖狂旱魃敢為災  
龍眠熟處雷呼覺  
蟻戰酣時雨起來  
耕父荷鋤歌召杜  
腐儒秉筆愧鄒枚  
太平知有三登象  
從此官租不費催

和廣德宋宰喜雨

一雨豐年兆可探  
金勝雪瑞白成三  
偏憐令尹關心切

喜對農夫洗汗慚  
秔稻秀畦欣綠潤  
芙蓉依水媚紅酣  
詞源頓遣如泉湧  
酒量懸知似海涵

和王簿喜雨二首

龍眠熟處雷呼醒  
蟻戰酣時雨起來  
涼入稻雲青漠漠  
潤添田水白皚皚  
但期家給皆紅腐  
莫管庭空長綠苔  
老令催科知自拙  
推擠不法謂何哉

年來事事與心違  
墨綬塵勞莫我知  
慷慨歸田雖有賦  
殷勤喜雨漫賡詩  
誰憐飯顆山頭瘦  
却想松江水面肥

一笑桑榆收已暮向來膏潤太踰時

卧病枕上再用韻

文書堆案眼慵開客有可人今雨來說劔丹心空耿耿  
岸中雪鬢欲皚皚山田漸喜滋香稻客位從教長紫苔  
涸轍窮鱗賴濡沫未宜曷月詠歸哉

領邑西來物物違只應松竹舊相知寬心雨意濃如酒  
滿眼秋懷總是詩慚愧不才勞撫字平生何意羨輕肥  
飄然儻遂歸田賦食藥毋忘在莒時

再用韻簡王簿一章言其喜雨也二章欲其少  
留也

山雲潑墨度牆隈  
信道鳴鳩喚雨來  
驟瀉竹梢青  
霏霏亂翻荷  
蓋白皚皚  
尊前花落愁賒酒  
地上錢流錯認苔  
更願公家寬賦歛  
斯民卒歲亦悠哉

當面論交背面違  
此心叔向幾人知  
喜君一見便傾蓋  
過我相從唯說詩  
別後梅花看太瘦  
向來瓠白不應肥  
何如且緩東歸策  
共醉橙黃橘綠時

徽州績溪縣六月二十五日迎汪王於縣廳祈  
雨未之應也七月三日率同官再禱焉酌獻方  
畢陰雲四合甘霖大霑因以小詩紀實

何須禱旱必桑林試扣叢祠丐一臨再拜爐煙方裊裊  
四周雲氣已駸駸田龜向去亡凶兆埴鵲新來有好音  
多謝神靈憐老令肯傾膏澤慰民心

和主簿王伯倫喜雨

電幟搖搖眩目光雷車殷殷訝空腸咄嗟有底千峯雨

珍重無多一瓣香  
杭稻氣蘇南畝喜  
芭蕉聲到北窗涼  
恭惟英濟綱維是  
併遣炎官理去臙

喜雨

鼎來雨喜動吟牋  
頓遣醯雞舞甕天  
傳野要觀新事業  
巫山莫學短因緣

原註前晚  
一雨甚微

碧筩便好浮家釀  
紅粉還

羞着老年此意自佳  
君自會將詩不必衆人傳

憶友人

紫鸞栖棘乳溪邊  
不羨羣飛漫刺天  
一見交情真我輩

更將詩句洗塵緣寧唯刮目須三日恨不從公蚤十年  
只恐秋風趣分袂尺書儻有鴈能傳

主簿昨示喜雨之作末章用李文饒故事非所  
敢聞用韻回納

朝來一穗着爐煙遽挽銀河下九天東海不冤私自幸  
南陽高卧且隨緣佳名德兩聞前代尺字商霖證昔年  
老子婆婆那辨此兩翁心印有人傳

初夏四沿獨坐

牆隈綠裊風前竹池上青橫雨後峯森然便有濠濮想  
若者曾吞雲夢胷杳無碧澗來瀾瀾安得舊水藏蛟龍  
我今齒髮亦自料回首家山歸興濃

俯江樓

異鄉王粲懶登樓腸斷淮山落木秋塞上陰雲空漠漠  
江邊艇子故悠悠悲涼只怕聞孤鴈浩蕩那堪沒白鷗  
莫怪楚囚頻下淚何人談話到神州

十一月三十日乃耘老弟生朝余是日也宿留

富陽驛中念之殊不勝情因賦一詩俟到吳門  
有便寄去

玉琯新陽七日來天將風月賦詩才別來又喜逢初度  
相望何由把一杯霜後不凋門外柳春前已折隴頭梅  
團欒今夜華堂燕應念三州數徃回

和湯倅七夕

目斷銀河婉孌期綵雲香霧轉翻翻天孫無賴能專巧  
世俗由來亦妄祈穉子喚人占蟄網老妻憐我泣牛衣

客星若就君平卜更問金穰與木饑

和總管姜知閣

下筆梅山漫不休詩筒倏寄置書郵分符我亦慙銅虎  
問俗人誰忍佩牛已洗圓扉亡久繫更教彩棒息羣偷

原註承來教及  
巡尉警盜事

年來況是催科拙聚斂平生笑冉求

和楊仲才歸途秋郊即事

馬上西風着面涼翩翩烏帽更低昂晚晴是處鷓鴣聲喜

秋熟連阡禾穗香

原註一作田疇刈熟禾  
肩重畦町鋤稀菜甲香

穉子候門應

自語征夫指路未渠忙歇鞍野店誰為伴自買村醪一  
舉觴

頃嘗將漕淮東林子長今膺是選因以小詩述  
懷庶幾古人贈言之意云

德星天遣出淮濱玉節光華委十分可但籌邊專餽餉  
直須曠土盡耕耘向來我已慚無效此去君當勉策勲  
尚有龜山風浪惡得無遺恨雁離羣

淮邊陳迹試重論走遍西途落木村依舊江山連北固

承平池館羨東園中原入望堪垂涕古汴無情尚有痕  
歲漕東南六百萬云何異域得遊魂

送萬舍人將漕江東

左螭玉立聳朝端底事飄然便掛冠簡記起家千載遇  
光華持節萬人看溪山好處寧終戀鷗鷺盟前莫遽寒  
已是詔書催上道却煩尺鯉問平安

余壬子秋丁太夫人憂因取藏經看閱至甲寅  
春以病眼且止然將及一半矣尚期晚歲畢此

志願但兩年來有煩主藏上人昕公取送良勞  
因以一偈謝之

五千經卷乃吾心眼力年來却不勝且學趙州看半藏  
從教舍利說三乘循行數字難成佛兀坐焚香也似僧  
此法本來無所得多生受記有燃燈

耘老弟於新廳之後起樓名之曰疊翠有詩因  
次韻

樓成疊翠相奇奇不羨圍屏錦繡機卜築又新王粲宅

登臨莫下董生帷  
高吟得助添新卷  
清賞何須貯舞衣  
問舍却憐吾未就  
歸心長與落霞飛

求楊仲才芍藥

見說江都一騎來  
筠籃坏土帶春回  
不堪羈宦思金谷  
寧有詩情似玉臺  
綸閣翻階無復夢  
乳溪臨檻想傳杯

原註蘇黃門賦續溪芍藥  
有想見清樽檻邊飲之句

殷勤分贈須聞早  
社後重陽

政好培

收漢老弟近書知  
十全遂勿藥之喜慰可知也

但未卜來期詩以見意

一日思君一度年家山好在落霞邊飛鴻日去情何限  
黃耳書來病已痊歌枕池塘春草夢閉門風雨落梅天  
南坡政恐春留住過我何時果着鞭

和聞杜鵑

萬里歸飛怪底遲豈緣鳥道嶮而奇尚懷舊國初來日  
偏恨羣芳欲盡時回首暮山寧久住論心殘月漫相知  
何人遠道長為客為爾聲聲勞夢思

宿祠山報恩寺枕上聞杜鵑有感

此去家山僅兩程不煩鳥語苦丁寧煙花三月忙中過  
風雨連宵夢裏聽問鴈呼卿情大薄聞鷄起舞意還醒  
年來縱跡渾無定渠亦相憐水上萍

次韻曾使君和刪定鮑倅喜譙樓雙門復舊觀  
之作

公家文字足搜尋間覽容陪夏日臨句裏江山元自舊  
筆端造化速宜今朱扉對啟雄潭府秀氣平分入泮林

青佩龍門行在望躍鞭莫負使君心

和王誠之羣圃勝集

何人浪說四難并此地追隨眼更清飛蓋數移紅步幃  
肩輿穩度翠圍屏春回觴詠頻頻舉風度笙歌處處聽  
晝短夜長公莫恨當家故事有蘭亭

元日小集耘老弟有詩和韻

弟妹團圞豈偶然華堂綺席間嬋娟試看今夕知何夕  
頗覺新年勝舊年黃紙除書須有命青春作伴且隨緣

從今屢費何須惜日辨盃觴趁和篇

簡友人

按劍何由駭夜光險心真復易羊腸未能種橘千奴足  
且欲滋蘭九畹香俗物滿前多汨沒玉人在側獨清涼  
夜來忽有家山夢便向清溪欲艤艖

途中述懷

悠然旅酌夜沉沉漫想歌眉帶淺顰興寄鱗鴻寧有限  
詩成珠玉未羞貧尚煩瀟灑登山屐聊慰崎嶇窮谷民

已笑割雞非我事頗嘗栖棘有斯人

和郁簿

先生雅意在垂虹底事驚栖棘中幾欲上書排北闕  
却應舉扇障西風官清高枕夢魂好興動長吟詩句工  
瑣瑣升沉何足道只憑心地與天通

清明

江南三月暮春天上巳清明五日前紅杏園林初過雨  
綠楊庭院欲生煙無花無酒傷今日宜麥宜蠶勝去年

却怪山中時候早樹林深處有鳴蟬

讀漢老弟中秋前一夕之詩似太淒切輒次韻

免釋之

秋與詩人著意清不平寧作候蟲鳴閒愁有底能千斛  
久雨終當快一晴富貴時來何足道英雄天亦不徒生  
來宵徑就姮娥約丹桂當年種已成

自中秋月圓木犀開後倡酬絡繹今可以止矣  
再書數句殿其後

秋月秋花自一回錦囊收拾靡遺才吟餘顧兔毫端滿  
賦罷文犀紙面開十里清香供隱几三人對影稱揮杯  
笑渠冷淡為生活何似笙歌鬲沸催

酬常丞見和

周南留滯玉堂仙千騎那教下蜀川梁上幾看明月夜  
江東空想暮雲天五年契濶音書斷萬里歸來語笑鮮  
喜有常郎天下士肯來相對語殘編

用韻酬翟曾二倅和章

那得朝朝瓊樹新擁爐添炭費烏銀試呵凍筆還搜句  
淺酌香醪未計巡過眼年華休恨晚轉頭天令即行春  
紛紛桃李誰知問祇有寒梅是故人

再和

詩成開府讓清新紙掃溪藤筆弄銀斗轉蒼龍歸北望  
日行黃道僊東巡人情自是隨時變天意何私與物春  
官裏簿書殊未了不知花事屬何人

兩日絕市無肉舉家不免蔬食因書數語

市無晨飲勸加餐空愧先生肯宿盤尚有園人供菜把  
漫勞穉子寫牌單俸錢先自無多了賓客從來不慣看  
已誓長齋依繡佛妻孥休怪瘦藥藥

又

山圍秀色故堪餐明月批來白玉盤小縣經年常乏俸  
頽牆過午尚懸單婦興舉柴齊眉歎婢媿添薪墨腕看  
無肉縱令人解瘦却宜相對碧檀藥

又

怪生食指動晨餐拗項蒸毛忽滿盤總為飢驅嗟我老  
未能飽死笑人單不除豪氣杯中興空有功名鏡裏看  
菽水雖貧歸去好白頭慈母要團藥

再用韻述懷

少年發憤欲忘餐信本能鑽透石盤燈火半生徒自苦  
齏鹽併日不嫌單

原註今州學有單供介  
嘗掌教廣德吳興兩郡

嗟來未肯低

頭拜臭腐那須着眼看何物馬肝猶不悟憐渠五利竟  
誅藥

送顏尚書知泉州

聽履星辰最上頭一麾得請暫南州  
高風凜凜推前輩政路駸駸却倦游  
地近扮揄同衣錦天低雨露密承流  
只今廊廟須公等燕寢凝香莫久留

臨安泛舟

雨送行人上短篷東君更借一帆風  
桃源春水半篙穩錦谷清溪幾曲通  
遠岫天邊凝晚碧夕陽波面泛微紅  
舟行又勝山行好兩岸芳菲一顧中

往瓜州護使客回程

寒天短日少晶輝  
薄暮邊城鼓角悲  
外使方將接踵至  
淮民未有息肩期  
吁嗟道路頻牽挽  
表裏河山幾合離  
聞道遺黎尚思漢  
中原恢復定何時

夜舟過龜山

長淮東下月西流  
起視龜山勢若浮  
砢岸崎嶇須列炬  
波濤洶湧更行舟  
今秋暴漲尤堪畏  
去歲堅冰亦合憂  
有底往來能屑屑  
癡兒了事幾時休

上已恐可回舟略訪子長園亭然未敢為宿諾  
名園天氣更須新況有彈箏甲用銀舟欲暫回成邂逅  
酒因同載作去聲逡巡飛花一片休嗟晚啼鳥千巖莫怨  
春未暇湖亭修故事水嬉遍閱水邊人

和漢老弟立春

吹葭六管候頻頻眉壽先儲酒十旬鞭到土牛休袖手  
斗迴天駟已馳神花梢綵勝翻新樣鏡裏朱顏只故人  
生菜玉纖能細縷大家醉賞滿盤春

正月二日大雪是夜戌三刻立春

東風欲動管灰飛剪綵工夫莫恨遲殘臘竟呈三白瑞  
新春元與六花期羊羔酒好浮瓊液牛尾狸堪削玉肌  
欲就江梅賒一笑前村客有未開枝

和宋宰立春雨

怪生淑氣靜氛埃知是東君一笑開膏雨任能滋宿麥  
香風先已上寒梅交情太薄鶯猶懶遠信難憑鴈却迴  
聞道君家春最勝十分眉嫵畫章臺

鏡裏朱顏一寸埃感時懷抱向誰開  
典衣餽盤心菜貰酒留連眼底梅  
三月鶯花勞問訊幾家幡勝帶能迴  
新來不作溫柔夢有底詩情似玉臺

和漢老弟迎春

青旂小隊喚渠頻新厯先看早二旬

原註舊歲正月十二日迎春

羯

鼓催花誇敏捷舞腰迴雪鬪精神  
燕飛欲傍釵頭月鴈過纔歸陌上人  
誰道土牛鞭不動也能脚底散陽春

社日邀溫卿溪王天仕吳欽孺遊草堂  
欽孺有

詩因次其韻

烟霞痼疾自年齡冷落江城處士星松下茶烟青纂纂  
竹間碁韻子丁丁林泉雅許幽人往猿鶴應羞俗駕經  
沽酒抱琴還有約要看桂子月中零

原註諸公約水  
屏開日再遊

冬至日泊舟嚴陵灘下

書雲瑞應協黃鐘人事天時訝許同葭管陰陽消長際  
朱幡新舊送迎中嚴陵灘昔懷高節茂苑城今愧下風  
醉裏不知鄉國異團圞相映酒顏紅

和漢老弟牛尾狸韻

堂饋流涎玉面狸也知臭腐出神奇分無竹葉浮酥面  
尚想梅花映雪肌渠幸臘前能漏網人言春後亦非時  
吾儕口腹真餘事莫倚雄豪浪賦詩

戲和東坡先生牛尾狸詩韻且效其體

夜寒那得到簾帷前擁紅爐後翠眉未致馬蹄沙水鼈

且嘗牛尾雪天狸

原註二句皆是梅聖俞詩  
今顛倒用之取其句順

蘄寒石芥

愁辛鼻鮒熟雛鵝怯帶脂端的為渠添酒興紅顏相映

玉膚肌

原註夜興兄弟用牛尾  
狸薦翠濤酒醉中和成

觀鶴

仙格孤高老始成  
臨池愛刷羽毛輕  
未看月下婆娑舞  
且聽風前嘹唳聲  
向人自在有真態  
伴我官閒無俗情  
少待相將林下去  
攜筇更引鹿同行

疊蒙林子長和章  
愈索愈奇未敢遽  
豎降旗猶能背城  
借一也

詩情引上碧天高  
侍史毋辭走送勞  
栗里正思陶靖節

愚溪不數柳儀曹只慙同隊疎頭角莫戀樊籠損羽毛  
取友如君千載士陸機作賦豈其豪

甲寅十一月朔旦冬至適值先妣太夫人服闋  
從吉感而賦詩二首

黃鸝催曉破霜天起整冠裳拜影前又見刺文添一線  
誰知泣血已三年蟠桃海上今應熟雙橘懷中祇自憐  
未必兒童知此恨綵衣依舊戲蹁跹

維摩應待散花天無復稱觴壽母前從隔蓬壺三萬里

尚期華表一千年弟兄黃髮三人在故舊青雲衆目憐  
自愧阿奴真碌碌不妨鑒井又蹁躚

再和

天時人事日相煎石秦俄驚在眼前積閨盡歸冬十月  
紀元一似太初年聯珠合璧猶重見

原註丙子朔旦冬至及今三十八年

華髮蒼顏益可憐三撫祥琴無意緒當筵那忍舞蹁躚

讀樂天詩戲效其體

杖屨南坡路不賒就中景物四時佳春林競秀烘遲日

雪岫初晴眩曉霞炎夏清風橫一榻  
澄秋明月滿千家  
人生適意須行樂況是樽前鬢未華

同主簿過翠眉亭

墨綬低回歎陸沉好山渾作翠眉顰  
我聊爾耳寧違俗  
仕有時乎亦為貧老去催科非所學  
向來凋瘵愧斯民  
整襟再拜欒城像幸勝殘膏丐後人

再和

宦情元薄且浮沉撫字勞心祇效顰  
白首論文嗟已晚

青衫捧檄祇緣貧簡書豈不懷朋友德意安能及吏民  
誤矣折腰成底事誰歟高枕有閒人

木犀晚來盛開寄吳守

繚枝偃蹇傍巖隈密葉稜層不露才一色渾疑新釀熟  
十分端為好詩開佳人宜與簪雲髻上客須邀釃玉杯  
只恐王孫歸未得小山招隱故應催

木犀花開折贈縣宰代簡

緗黃襞積間琉璃病眼看花喜欲迷半樹爛斑藏霧豹

一秋清絕辟塵犀誰分仙種來蟾窟知有生香洗麝臍  
天女維摩應大笑一枝扶上髻鬟低

木犀初開悉離披於雨今再著花特盛因折送  
常丞代簡以詩兼簡孫尉

萬壑千巖秋欲闌金商點綴破天慳未須狂雨相將去  
且索西風一笑還香列醪釀蒼筤右清宜茅舍竹籬間  
聞君畫柳為眉嫵可復扶花上髻鬟

和人木犀

月娥一笑抵千金玉粟枝頭點綴深莫怪謫仙猶未賞  
却因犬子喜相尋原註相如一名犬子溥溥白露新秋色楚楚黃裳  
翠雨襟高興已辜紅袖飲何心相伴白頭吟

問訊木犀

兩行叢桂手親栽移自深巖遠壑來今夏蒙茸看葉長  
來秋端的見花開早時切記頻澆灌瘦地仍須苦壅培  
待得東堂枝可折滿山桃李盡輿臺

和木犀

巖桂無人也自芳月宮仙子道家粧露薄僊掌三秋色  
風動枝頭十里香先世栽培雖地僻近年卜築發天藏  
後堂元有文犀貴可但腰金照地光

原註木犀兩株乃  
先君手種五十六

年矣今在新屋後  
堂之前殊可愛也

和耘老弟木犀詩韻且督漢老弟同賦

團餅秋光入好枝一天風露最清時管窺豹霧巖前隱  
杯泛鵝黃月下宜子落誰賡滄海詠叢生應有小山知  
惠連更喜姮娥近底事觀書却廢詩

和木犀再開

東堂留得最高枝，向道重開果有時。  
仙掌露溥秋氣重，山頭月照晚粧宜。  
層層黃色眉間見，拂拂清香鼻觀知。  
更約菊花為老伴，四難并處可無詩。

即事

奪得饑民鬼手中，誤恩增秩敢言功。  
頗聞有意徵黃霸，却坐無書遺子公。  
莫我愁眉勞撫字，從渠醉眼亂青紅。  
床頭況有韋編在，消長何妨以數窮。

光陰老去漫匆匆千騎南來歲又窮竹瘦固應留晚節  
梅開寧亦待春風青冥蹭蹬何關我白髮飄蕭恐未翁  
畢竟田園歸去好暮雲回首自江東

歸來世事任浮沉車馬蕭條門巷深一榻容身無妄想  
兩餐度日少關心園收佳實隨時薦甕有新筍待月斟  
老覺閒居渾有味不須榮宦說駸駸

春工投老日駸駸閱遍芳菲又綠陰不復倚梧傾宿鳳  
幾番淮海變鳴禽太阿自撫為知己焦尾誰彈莫賞音

高下風花何足問  
向來出處固無心

和吳守韻送木犀

珍重黃堂遺送來  
淮南未數小山才  
分從月裏雙株在  
趁得風前一笑開  
秋著屏幃蟾弄影  
春生酒面蟻浮杯  
姮娥自與花為約  
不愛人間羯鼓催

枕上再賦

折桂東堂又一回  
秋花此外祇凡才  
千巖萬壑幽深處  
玉露金風爛漫開  
有客揮犀紛入坐  
幾時清燕小持盃

作詩且與留花住青女繁霜未要催

再用韻賦木犀

高枝曾折記前回晚路重逢歎滯才天上移來和月種  
人間占得及秋開香浮翠葆花藏葉影動燃犀酒映杯  
猶有黃花堪殿後為渠留戀為渠催

送張伯子尚書帥隆興

春容聽履上星辰玉笋班中第一人暫藉威名分閫寄  
贖留風采照廷紳何人重記西山雨老我空傷南浦春

此去莫思為郡樂紫樞黃閣待經綸

十年沉落困推擠出處於公恨不齊本謂重來酬契濶  
豈期一見又分攜風吹渭水波聲小春壓陽關柳色低  
老矣銷魂難語別且須倒盡玉東西

鞏使君勸耕汪倅有詩次韻

小隊行春簇使旌黃童白叟遞逢迎勸耕試向何山麓  
競渡還傾極樂城

原註聞吳興為極樂城

畫舫曉騰喧鼓吹紅粧

凝佇傍軒楹山公歸路人爭看已有豐年笑語聲

戲書

去年今日到湖州救得饑民歲又周閱遍炎涼還自笑  
坐糜廩餼更何求淵明栗里終歸去太史周南枉滯留  
咄咄大鈞何必問固知薄命與仇謀

子長來詩乃有杜口毗那之語但天女天花未  
嘗見也詩以先之

屬和何須蚌鷸持笙歌鼎沸政相宜勸君莫惜松醪酒  
容我來看柳葉眉春去自憐鶯命友夜來空費雨催詩

海棠還有風流伴留得芳菲不恨遲

送湯倅二首

青衫試吏古桐川識面池陽別駕賢但喜論交時一笑  
不知為客度三年新來懷抱愁分袂此去功名好著鞭  
未必九華清絕地更能留滯玉堂仙

別乘詞鋒不費磨江山得助想經過離情柳色長亭暮  
愁緒梅腮細雨多渭北論文須細與洛南問業念如何  
有時尺素頻相寄莫負東來錦鯉波

立秋四十日矣天氣甚涼南坡杖屨之興猶懶  
何也不應今年歡意頓減如此因以詩挑之

灝氣南坡日夕清杖藜緣底邈無情讀書乃爾妨行樂  
覓句從來怪瘦生況有鷄豚燕同社政須鐘鼓報新晴  
似聞巖桂花開遍早晚攜壺一就傾

出郊

萬山深處長官貧不慣將迎懶是真誰解移文迴俗駕  
漫勞舉扇障風塵碧雲日暮還無信白眼途窮易見嗔

歸去荒村望燈火是何雞狗亦驚人

姚黃牡丹

紅紫爭先有底忙  
姚黃晚出最芬芳  
玉非蒸栗難同色  
露是薔薇更染香  
翠幄密遮春去路  
黃雲低映曉來粧  
十分喜氣眉間見  
快瀉鵲兒醉洛陽

種牡丹

新向坡頭種牡丹  
更開小徑傍層壇  
先生倍費栽培力  
俗子那容取次看  
應有司花來守護  
更須插槿與遮欄

何時一醉酬心賞屈指春風半歲寬

和漢老弟雙蓮詩韻

青桂留連最上枝待君奮翼到天池秋蓮又喜呈嘉兆  
春草何勞費夢思雅想分香風靜處更憐並影月明時  
姮娥似辨雙荷製故遣馮夷預報知

又主簿和雙蓮詩所以期待甚厚再韻為謝

君家雙桂有高枝便令齊飛集鳳池底事乳溪迷簿領  
相望泮水費懷思

原註主簿令弟  
今為郡博士

四明人物誰能儷萬

里功名自有時為我雙蓮出佳句箇中氣味許君知

和松老弟同上伯兄塚

鵲鵲原上思何窮排遣新愁酒有功不見老松孤晚歲  
恐看宿草又春風危亭徙倚前峯碧歸路遲迴夕照紅  
誰謂死生真永訣會應相對夢魂中

再用韻謝沈德遠少卿和詩

倒指西城我廩高天公自欲慰民勞聲名敢望黃丞相  
詩律間追何水曹三徑就荒身似贅一行作吏事如毛

只須多釀兵厨酒聊伴先生醉後豪

郁簿以侍御李公頃宰中山清賞圖詩軸相示

因賦

中山清賞好家風父母猶能說此翁誰與畫圖傳浙右  
更餘詩句滿江東日邊縱識雙鳬舄天上難留一馬驄  
投紱歸來名愈重索金雖盡樂何窮

本縣折納州粳零殘蓋從民便又且可以趣應  
州府期限張倅反以為罪

平生學道未純全  
游宦何須苦著鞭  
作縣又將書下考  
離鄉今已跨三年  
性多忤物無非罪  
命與仇謀孰使然  
撫字催科俱大謬  
不如投檄早歸田

七月一日知丞往衆尋潭命道士投鐵簡是日  
有雨二日知丞過訪共道靈驗相與感歎因以  
數語記之

老龍高卧古靈湫  
喚醒須煩尺簡投  
瀕洞溪雲隨起雨  
渺瀰陂水急通溝  
定看田里還豐歲  
且奏雞豚作好秋

可是藍田修故事為民精禱益同憂

和廣德鮑宮使寄詩

當年書劔走風塵傾蓋桃花一笑春別去交情渾似舊  
向來時事幾番新詩壇雄健看前輩官路低回愧此身  
珍重煩公問消息雙溪煙雨政垂綸

和林子長別後寄詩

尺素西來字字真詩成膠漆重雷陳連城喜子重增價  
敝篋憐吾亦自珍窮達舊聞俱有命功命底事要知津

一罇別後開懷抱只有湖山似可人

和吳守拜上方厯日之賜已而雪作約同僚登  
俯江樓見懷之作

六花飛舞到江頭清賞朝來破客愁便遣郢人傳白雪

原註謂  
來詩也

快呼從事到青州寵珍厯象占星鳥混一疆封

驗斗牛遙想倚欄看未足寒江浩蕩沒輕鷗

再和

天教三白瑞來麴黃竹歌聲浪自愁未問騎驢遊霸上

行將跨鶴上揚州

原註余在高郵道中  
得來詩次日至揚州

橋橫忽度行天

馬簾捲何須壓海牛鼓吹從來殺風景丁寧江上莫驚

鷗

和林正父見寄

一別十年難再逢君今浙左我淮東功名老去終安在  
出處年來恨不同已是死灰何足溺祇應怪事更書空  
雞蟲得失無期了莫為元規扇障風

和漢老弟

寸進鮎魚上竹竿磨驢終日困團團諸公有意故推挽  
議者獻言防誕謾胡不罷休嗟已晚只堪付與一長嘆  
杜陵有語君知否才士從來汲引難

得黃仲本詩再和二首以寄之

相得詩人我與兄平生無一不真情河梁莫恨看雲別  
剡棹曾經載雪行近喜雙魚傳尺素遠勝孤鴈帶邊城  
江湖老去知何用空把葵心向日傾

原註來詩有好把  
丹衷為上傾之句

故云

檣燕呢喃浪語人岸花飛舞苦傷情賸窮詩眼三千界  
漫鼓琴心一再行他日湖山還帝里別時風雨滿江城  
思君直欲令人老流水沄沄日夜傾

和耘老弟韻

緩步詩成不用催松門開徑破莓苔池塘夢草人何在  
風雨連山子獨來望斷驚鴻憐片影愁生雌雄應遊媒  
僕夫忽報天將暮又是籃輿寂寞迴

和韻

麤衣糲飯不難供有底令人芥蒂胃但得千奴足吾事  
不須萬里建侯封綠絲何許逢園客學稼誰能問老農  
粗喜近來薪水給免教雨外急村春

出郊誌喜

香霧崇朝一炷薰雷聲使得晚來聞今年雖欠梅黃雨  
仲夏猶敷稻綠雲審象已能蘇太旱卧龍何用說三分  
腐儒竊有區區見例奏囊封愧不文

和吳守修蓋禁兵營屋之韻

使君事業此權輿軍政留心盡返初尺籍伍符須補闕  
連營列戍且羣居更觀堅利修兵甲可但忻懔有屋廬  
我亦向來飛薦墨况聞佳頌起閭閻

和漢老弟見寄二首

平安一鴈帶書來頓解愁腸日九回珍重梅花還庾嶺  
別離楊柳自章臺宦情落落思三徑世事悠悠付一杯  
桃李河陽無好手南坡隨處賸栽培

王式當年本不來送塗未遠徑須回自憐白璧頻遭劒

何許黃金更築臺  
夜榻對眠空撫枕  
寒爐孤坐懶持盃  
權門氣燄堪薰炙  
況是無資與甕醅

和耘老弟韻

雪意垂垂漫不收  
預愁嚴凜壓貂裘  
十分果是滋農穀  
一片何妨上酒舟  
天遠鴈飛難寄字  
江寒魚懶不吞鉤  
欲酬妙唱無佳思  
歲惡詩人且罷休

歲旱十分無一收  
苦寒何許索重裘  
流民豈是無常產  
觸處渾如不繫舟  
但願天心憐凍餒  
莫教雪意大牽鉤

秋今宿麥無人種誰問王師休未休

原註時衛嬰嚴  
三州流民滿道

和王天任韻

槐影侵堦晝未移筠筒忽見破愁眉  
新篇誰出諸公右  
此事終成一段奇  
我欲潑醅浮太白  
君當枉駕授前綏  
相從日日南坡上  
流落人間總是詩

和姜總管有懷南澗老人

一杯相屬豈非天  
目送歸鴻付五絃  
霜後黃花秋漠漠  
風前丹葉暮翩翩  
憑欄把酒青山共  
卽席賡詩紅袖傳

我亦從來無此客敢將觴詠斷前賢


和漢老弟秋夜有感

一翻梧葉又驚秋鬢上侵尋歲月流  
夜永只憐燈作伴詩成却欠酒澆愁  
多情行雨空揚袂何物非煙解擊甌  
室有天遊魂夢好屏山不遣污油頭

再和

西窗風露不禁秋時數微螢幾點流  
識字故應甘寂寞著書初不為窮愁  
倦橫如意方三鼓渴飲門冬自一甌

喜報燈花知底事玉蟲連夜綴釵頭



欽定四庫全書

集部

尊白堂集卷四

詳校官右中允<sub>臣</sub>薩敏

主事<sub>臣</sub>呂雲棟覆勘

謄錄監生<sub>臣</sub>嚴續曾

欽定四庫全書

尊白堂集卷四

宋 虞儔 撰

五言排律

贈總領韓郎中四十韻

玉帛修和好邊隅久晏寧  
狼貪素谿壑鯨浪忽滄溟  
江漢危航葦關河失固局  
兩淮先齟齬四海漸凋零  
稍喜呻吟地重霑廟社靈  
帝方恢祚運公合在朝廷  
故國非喬木聞詩飽過庭  
經綸一門事風采四夷聽  
共喜難兄

弟于今尚典刑陵雲臨北固雪涕陋新亭清切郎官宿  
光輝使者星深源觀出處李泌盛年齡人傑今為用天  
驕盍暫停大韶弦白羽雄劍發新硎貔虎三千士芻糧  
十萬艚少須安宿飽作氣上青冥傳檄收天府偏師下  
井陘子遺新雨露幽蟄待雷霆命服期三錫腰環擁萬  
釘歸來覲旒冕早晚煥丹青伊昔蒙傾蓋隨羣預掣鈴  
初筵叨禮數接武奉儀型載酒桃花浪尋詩杜若汀一  
斑窺豹管什襲換鵞經深汲無長綆洪撞僅寸筵違離

念芝宇開落幾堯堯生計春冰薄先疇露葉暝抱經羞  
畫虎娛老託原鵠忝竊空黃甲衰殘類白丁塵生悲破  
甌晨起問儲餅孤宦徒為爾長饑未遽醒地寒誰援接  
途遠更伶俜咽絕空堦蚓微茫腐草螢逮今施刻畫猶  
得振毛翎幕府今多士我冠總寧馨暴鱗呼斗水病頽  
憶林垞薄用收雞肋微功蓄菰苓真成能肉骨坐待脫  
拘囹自是權輿地宜深肺腑銘寧聞量如海不受一浮  
萍

代鞏使君上東宮生日

儲極天開秀皇圖日又新夢熊初卜夜謀燕蚤祠春瑞  
靄蓬萊殿祥標析木津準龍真帝子眉宇只天人少海  
涵輿地前星耀紫宸英姿生不世雄畧動如神仁孝蘭  
同毓溫恭玉比純雲章輝步障月御契重輪堯歷占冀  
英莊年數大椿千齡符會慶五福自天申鶴禁移舟夕  
龍樓問寢晨慈顏俱有喜習俗盡還淳湛露溥金菊涼  
風動白蘋好秋澄似洗函夏肅無塵羽翼商山老簪纓

望苑賓歡呼稱壽筆諧讌接芳裊景色曾開幕郎垣偶  
濫巾不才蒙眊昧何力贊彌綸符竹分茗水才華想洛  
濱歌詩形善祝秉筆愧徐陳

往天目祈雨

伏謁三池上難窮一壑幽萬山從此起衆水盡分流暑  
雨雖愆夏陰風鎮若秋天高還有目地險好回頭御府  
金奩賜仙壇鐵板投不須憂旱魃直是起潛蚪聖主思  
霖切微臣盡日留精誠三禱罷神聽一聞不霧霈斯為

澤遲回恐作羞奉常司典禮秋報敢忘優

自雲門還泛若耶溪入鏡湖寄院中諸公

山中秋賞罷溪上晚歸時

謝良弼

出谷秦人望經湖謝客

期

呂渭

日斜愁路遠風橫畏舟遲

鄭棨

章句懷文友途程問

檝師

嚴維

淺沙游蚌蛤危石起鷗鷺

裴冕

落葉飛孤戍橫塘

向古祠

允初

行行多逸興無處不相思

蕭幼和

和漢老弟南坡三十韻

北闕書休上東山妓不携宦情元夢鹿交道只黃鸝

成懷桐汭星回直攝提

原註庚寅罷廣德校官  
歸方得此坡邑人奚氏

雙鳧方

欲下隻履又還西塵土慙書劍江山識杖藜青冥甘蹭  
蹬素手孰提撕笑幕空巢燕憐藩幾觸羝茲坡何爽塏  
造物復推擠蕭寺鐘聲遠坊門酒旆低目行無遠近脚  
力免攀躋更喜經前圃何妨過小溪煙林輕曳練雲岫  
近橫梯井邑千家麗川原四望迷披榛通曲逕鋤麥亂  
疏畦梅杏增奇觀牛羊失舊蹊道傍知苦李霜後認紅  
梨植竹行抽笋栽楊蚤秀稊霞蒸桃處處露怨草淒淒

紅白宜相間高卑未得齊壺漿旁舍乞飯裹小童齋著  
屐應同謝登仙不羨倪芳菲催羯鼓早晚暎棖題葵綠  
新含露芹香舊煮泥鴻賓天外去鳩婦雨中啼密蔭真  
堪託安枝可以栖應須回俗駕未肯厭家雞蜂識花前  
酒鴉隨隴上犁角看童子卅齒見老人覲靖節蓮為社  
梁侯梯覓禪問渠何所見公子豈知嵇

林子長錄舊詩來覓酒因送似之

酒者忘憂物難教與願違未能聊爾耳時復一中之全

醉無乘墜偏醒有是非兵厨那可戀州紱屢交馳莫訝  
臺無餽相逢蓋有時留髭從昔慣舍蓋有誰知短棹能  
來往經年慰別離何嘗有此客了事笑癡兒

代黃仲本賀趙漕

嶽鎮凝華久天潢析派初長庚秋入夢佳氣夜充閭奕  
葉蘭同茂懷珠玉不如詞章賀白右經術向歆餘已近  
長安日聊登使者車著鞭先禁路儲寶鎮皇居家世曾  
重席王門昔曳裾彈冠慚似續入幕偕吹噓願獻長生

錄何須鴻寶書黑頭須兩地玉帶擁金魚

七言排律

和潘簿食筍詩

平生愛竹幾成癖到處成陰已足嘉  
瀟灑未輸彭澤柳檀欒偏映杜林花  
園林日日饒春事紅紫紛紛盡歲華  
清節抱萌初入眼金盤當饋莫搖牙  
從渠燕領誇千尺還我鼈竿是一家  
須信直鉤終有用渭川元不釣煙霞

五言絕句

新闢東軒夜間月色滿牀可愛簡耘老弟

偃息飛簷下開軒適向東滿床今夜月只欠與君同

和姜總管感秋七首

年華紛代謝時態幾沉浮天末涼風起何人不感秋

已是詩成集

原註郡齋今有梅山詩集

何妨酒拍浮人生不行樂空

惜鬢驚秋

向道鱸魚美須渠太白浮季鷹歸未得空憶五湖秋

柏寺官聯謬萍蹤宦海浮向來茗雪夢罪我亦春秋

故里經年別，虛舟盡日浮。有書誰與寄，目送鴈橫秋。

窓暗燈花結，簾疎露氣浮。晚來城上角，吹斷一天秋。

原註

是日十

月旦

詩到齊梁後，名多李杜浮。誰能追正始，蟋蟀小豈知秋。

### 雨過

處處村舂急，家家晚爨煙。青山映丹杏，過雨轉嫣然。

### 南坡雜興

寒食無多日，梨花又一春。鹿門山下路，真有姓龐人。

七言絕句

轎中疲甚作絕句

謝雨還如禱雨時  
籃輿頓撼不勝疲  
兩回往返千餘里

祿馬交馳恐應之

原註行者謂余今年  
祿馬交馳恐有遠役

歸途轎上口占

三尺蒼頭佩酒壺  
籃輿穩度白氈鋪  
憑誰為把無塵筆  
畫取先生看雪圖

和主簿郁同年

紫鸞合在煙霄上  
斂翅聊棲枳棘間  
若向兩途分上下  
可能句裏有江山

登舟往瓜州護使客回程

冬來長夜數更籌  
耿耿青燈照客愁  
底事舟中能好睡  
覺來身已抵瓜州

中秋前一日風雨大作林子長輒動歸興賦二絕因次其韻

桂華天上正扶疎  
萬里清光散有餘  
厚約本期今夕共

翻雲覆雨獨何歟

故人別來不作疎扁舟訪我得三餘一杯相屬豈易得  
興盡而返其然歟

聚陵仲秋薦獻畢回舟過鑑湖遇雨

聚陵巖事謹秋嘗歸路扁舟泛渺茫刻雪無由訪安道  
鑑湖空復憶知章

早禾割盡晚禾青地下知章果有靈豈憶鑑湖曾勅賜  
連山雲霧雨冥冥

立春

土牛遲重小加鞭無限春風入管絃好事東君真敏捷  
也能雪裏散紅蓮

綵勝華燈共一回新年樂事併相催天公預借今宵景  
更放團圓好月來

花柳爭春歲歲同美人剪綵莫言功誰知造物初無物  
只在洪鈞一轉中

臘雪初消柳眼寒春風纔入酒盃寬一年佳節知多少

屈指從今是履端

瓶中梅二絕

銅瓶沁水泣微溫  
便許爭春雪裏村  
應為詩人太幽獨  
西窓和月伴黃昏

舊樣宮黃羞半額  
新番絳領襯陪腮  
待簪寶髻連雲重  
且插銅壺借水開

小軒四圍織短籬  
因成絕句

自插芭籬當藥欄  
旋移花木向中間  
東偏只要疎疎竹

開牖莫教遮却山

歸途庖人先去遠甚飢甚戲書二絕句

庖人先去幾多時賴是先生慣忍飢  
捫腹只堪供一笑窮途何事不差池

旌旗小隊引朝官白叟黃童也聚觀  
我似仙人正騎虎飢腸過午未朝餐

林子長惠芡實走筆為謝

珠璣璀璨忽堆盤浴罷追涼得飽餐  
不似來禽空有帖

直須同竹問平安

往年分教是邦當芡實初出時每承沈君得遠  
少卿旋採以相餉其味芳鮮與市中所買者大  
不相侔至今尚能記憶近因與林子長語及之  
後乃蒙其分惠亟以絕句謝之今又承少卿賜  
和章但舊目錄不講恐亦似未安也

溪毛秋後亟登盤山色朝來併可餐但得長為南蕩客  
何須索米向長安

昨晚目錄之句蓋聊以為戲耳何分惠之甚速  
耶得非乞諸其鄰乎

累累火齊忽堆盤水裏疏黃得飮餐  
得舊時風味在故人唯有一任安

原註俗語謂焚實又為水疏黃憶

和林子長送焚實詩韻

焚實嘗新又一年溪堂風物想依然軟溫初剝渾如舊  
只欠高談驚四筵

裏送頭顱慰隔年

原註去年在寶發不曾拜賜

書傳鴻雁正翩然詩

成更想揮毫處無數珠璣落滿筵

百琲明珠富有年不須鮫客更潛然斛量自是君家事  
買取雙鬟當舞筵

再和

目送歸鴻不記年書來繫帛正茫然也知函首初無罪  
應為懷珠供四筵

華池同噉足延年枵腹新來忽果然再遣金罍來入社

不妨朱袖鎮當筵

原註醫家以芡實  
金罍子同入藥

皓齒君家二八年歌珠曾許聽纍然雙眉松子元同味

更唾餘花傍綺筵

原註芡實與松子同食甚美

謝友人寄芡實

芡盤新采辱分珍遠勝溪毛詠采蘋老去何心溫軟味  
漫將空想調詩人

鴻頭鰕觥競懷珍南蕩風光勝白蘋試擣明珠三萬斛  
與君換取墜樓人

過半山亭

躍馬青羅步障間  
松林盡處是前山  
玉梅剛障春風面  
殘雪融時見一斑

憩東山驛

征車又抵東山驛  
屈指前回僅兩旬  
多少路人相借問  
不知何事往來頻

蘄守李智仲惠簾

黃琉璃色縠波紋  
持贈多慙李使君  
一枕涼風吹夢去  
楚山脩竹正如雲

聞六月十五日廳屋以二絕句寄衢

履道宅圖還似否樂天歸計但茫然人生閒適須聞早  
屈指今過本命年

想見櫟題高數尺莫愁囊裏費千金明年便合多栽柳

遶屋連牆易得陰

原註樂天  
有種柳詩

枕畔木犀

屏裏一斑窺豹管釵頭千粟綴鸞黃角巾墮曉花同夢

月帳含秋影亦香

目痛廢看藏經

毗盧華藏浩無涯菩薩何妨且在家近日不應魔事起  
看經頓覺眼昏花

吳文炳報載藏經船壞已為曝曬畢二首

石瀨沈舟事可吁萬籤出水已濡濡本來一卷無成壞  
為問馮夷浸得無

貝葉琅函免浸淫賢侯料理意何深慨然憂物如憂己  
已得他時援溺心

以蘄簟石枕送耘老弟有詩因和來韻併分送  
蒸沈以助其雅趣

北窓枕簟稱高眠沉水還須起篆烟老子平生無長物  
殷勤分送敢論錢

廨舍堂前僅有木犀一株今亦開矣為賦二絕  
句

淮山叢桂知名久金粟離離玉露團老子婆娑寧辦此  
秋來僅得一枝看

維摩丈室無人到散盡天花結習空猶有一枝秋色在  
明窓淨几膽瓶中

法妙觀

鍾山疇昔愧移文俗駕寧容更浹辰忽有片雲池上起

元來却是雨留人

原註以雨留  
觀中一宿

戲書

淮南豬肉不論錢下舍應須數擊鮮過午食單毋溷我  
飯來開口亦欣然

軟炊香飯杜陵老爛煮葵羹玉局仙飽喜饑嗔吾未免  
何當辟穀去求玄

余家舊養二鶴今不復存因和林子長悼鶴長  
篇遂惻然有感口占二十八字

倏然尸解去何之玄圃崑崙定不疑華表重來千載後  
誰人不是塚累累

偶成二首

一為飢驅三十年近收朝牘賦歸田尚賒瓶粟開三徑

敢羨庖珍食萬錢

春菊秋花母久溷麤茶淡飯且隨緣除須甘旨供慈母  
自合長齋繡佛前

郁簿以職事出城且有登臨之勝小詩戲之

想見先生喜見顏登臨今在翠微間茲遊便是揚州鶴  
不用持錢更買山

和耘老弟玉簪花韻

香在幽蘭伯仲間出塵標格自清閒黃冠野服真相稱

掠我招詞賦小山

南坡做牡丹壇二絕

卵石周圍砌作壇更須面面作欄杆  
瓜期未用相催迫  
准擬來年看牡丹

向陽姚魏動芳馨傍砌尤宜架小亭  
圍坐俯窺羣品秀  
入簷平視遠山青

和姜總管送牡丹

東君探借小春天珍重霜餘曉更妍  
豈是陽和私拙守

也應春色屬詩仙

和姜總管食菜羹

筠筒吹火鼎烹油小摘朝來露已浮  
爛煮香粳供玉糝更須春味薦貓頭

未必炰壺輸鴨味誰云湏酪敵蓴羹  
先春已擬嘗新韭最愛蕭蕭夜雨聲

膏粱餘習言無味藜苳枯腸語轉工  
染鼎不應孤指動

來詩却得愈頭風

原註余方病指故云

讀某人江行詩軸

介叟從來僕命騷吟魂招得楚江濤也知筆力千鈞重  
莫怪山城紙價高

過石湖關

北關險處絕攀躋牧馬休教識玉溪他日君王如有問  
固應曾說到淮西

答吳欽孺

桃李向人何許懶春風用事不教閒羈愁先自深如海

詩債那堪積似山

和人六絕

天香國艷膽瓶中眼界增明鼻觀通  
多謝高軒肯相顧  
家貧不辨一罇同

江南二十四番風浪藥浮花一洗空  
斷送春歸可無恨  
酒壚誰復過黃公

未數騷人賦落英新詩貽我底能清  
筆端挽得東風住  
佞喜真慚浪得名

滄浪未濯軟紅塵  
捧檄東來祇為親  
天女不知摩詰病  
云何却現宰官身

杜宇聲聲苦喚人  
應憐書劍走風塵  
家山有約蚤歸去  
莫待來呼祈孔賓

排悶渾無酒十旬

原註酒名也

落紅鋪繡未嫌貧  
一壺餉我

勾詩興大勝雲安麴  
米春

和郁簿問訊梅花

三徑蕭蕭一冷官  
菊殘荷盡擾愁端  
思君一夜梅花瘦

旋覺新來帶眼寬

和郁簿出郭

青衫莫厭縛微官  
過眼榮枯幾萬端  
得意邯鄲歸一枕  
從今須放酒腸寬

和郁簿

長笑劉郎賦大鈞  
強將神理質諸人  
泛觀萬物皆芻狗  
天地誰知本不仁

姜邦傑以四絕見寄因和之

當年寶婺我為州錦里先生得唱酬一自江頭分袂後  
至今空想暮雲愁

州縣豐登公事少凝香燕寢只吟哦樂天長短三千首  
爭似斯民擊壤歌

梅山詩集到中都囊括三江帶五湖却許嚴詩編杜集  
傍觀應作丈人烏

原註近承以梅山集見  
寄惡語亦有一二編入

少日清文結主知齋壇授鉞及耆頤人生得意今如許  
須信窮人不是詩

和王宰見戲二絕

南浦晴來漲綠波  
他鄉春事已無多  
禪心總作空花觀  
孤負尊前一曲歌

風來瑟瑟暮生波  
雨後堦前榆莢多  
隔葉黃鸝漫愁思  
定應春晚不能歌

和林正甫韻

門外東風自在狂  
雨晴深院日偏長  
鳴鳩喚婦聲聲切  
賴是年來已沐腸

間關得侶情尤重冷淡論交味更長縱使出門還有礙  
幾多世路險羊腸

和遇太學三友

師門泰華一高峯天遣雲龍處處逢肯贈明珠須及早  
蛾眉端不浪為容

和漢老弟留嚮

眼中犀角無餘子膝下荆蘭總一般縱有家聲報消息  
未如一見始心安

贈耘老弟韻

夜永青缸一點明  
雨聲著瓦似荷聲  
何人高臥西窓下  
先覺涼從枕簟生

漢老弟寄和花發多風雨  
人生足別離韻十絕  
因和之

自笑為容非白璧  
從渠入耳有黃華  
一行作吏渾無況  
兩眼新來病有花

風前無賴花飛急  
少待須臾莫倉卒  
不堪姚魏遽飄零

尚有酴醾能秀發

春盡園林鶯懶喚日長官舍雀堪羅二毛老去渾無用  
一掬愁來不奈多

幾多白白與紅紅爭似淮山小桂叢簿領沈迷春又過  
枉教二十四番風

有酒不澆墳上土浮花浪藥何須數營巢燕子恰迎風  
逐婦鵲鳩還喚雨

割雞自嘆非初意有底徘徊絆此身官事未知何日了

溪邊誰識望雲人

三春已過二春了十日那無一日晴  
已是飄零成老醜  
更憐行樂負平生

照坐彫盤花一簇滿甕葡萄酒新綠  
那知身後更浮名  
若論眼前不翅足

莫將楊柳輕攀折人生會少多離別  
芍藥留殘十日春  
杜鵑啼破千山月

十首新詩逼黃絹數行妙墨寫烏絲  
摩挲老眼還驚顧

文采珊瑚鬪陸離

和人二絕

眼底羣山入望來  
攬天蒼弁獨崔嵬  
年來懷抱誰關鎖  
祇傍登臨醉裏開

廣文官冷復誰堪  
心事無人可共談  
好雨忽來詩興動  
苦無才調却懷慚

蚊蟲

嗟予意廣與才疎  
天下何當貯一幬

原註孟郊蚊詩有  
安得天下幬之句

盡把飢蚊羈海外却驅一世入華胥

賦形微細在汙渠終日營營為腹虛貪吏貪民膏血盡  
不知何計與驅除

過南京

三蘇當日振英華下榻相看意已佳太息樂全無復見  
舊廬聞屬小民家

迴至南京聞杜鵑

夏木陰陰四月天傷心滿目舊山川還轅已落春歸後

始到南京聞杜鵑

將至泗州聞杜鵑聲甚急

長淮准擬濯塵埃  
漢節何妨一往回  
杜宇不知歸路近  
樹頭聲急更相催

謝楊仲才惠芍藥

何人金印漫垂腰  
赤脚憐濃不解嬌  
老去不因花妄想

沾泥柳絮似參寥

原註花有金  
紫腰倚欄嬌者

白玉盤盂自一家  
春工雕琢蚤萌芽  
品題況有坡翁句

除却姚黃說此花

回首龍山憶孟嘉詩成醉墨帶烟霞風流多謝佳公子  
遣贈揚州幾度花

南坡種芍藥

錯盤根塢似苞桑細細分來巧作行且趁秋灰浮季琯  
更教冬線受微陽

卵石周圍也自佳茆亭穩著不須奢何心更作揚州夢  
十里春風萬本花

南坡地脉生來瘦根撥移栽却要肥說與園翁須早計  
莫教春事與心違

圖南學長有詠梅十五詩各指名其處所且書  
以見寄因賦二絕句謝之

詠梅誰復擅詩名梅與詩人自有情說盡梅花隨處好  
喜君詩句似梅清

梅格孤高不待誇暗香浮動影橫斜箇中風味誰相稱  
只有西湖處士家

和廣文俞同年賀太守

休詠詩人大小東豐年雨意十分濃使君自是為霖手  
不遣昌黎苦訟風

三登從此數淳熙一雨炎官遂霽威綠潤田疇今已遍  
涼生殿閣故應微

人言歲稔催科易我念民貧積欠多政拙不歸嗟已老  
空餘一飯愧廉頗

絳帳才華溢彩牋誰嘲晝寢腹便便側聞已上中和頌

試請重歌相府蓮

余帥淮西下車纔十日移東漕二絕

安得絲毫補吏民下車纔度十朝曛却慚父老相留戀  
卮酒爭持壽使君

多少邦人意慘悽出郊雲淡楚天低馬頭漸指淮東去  
回望孤城落照西

和萬舍人分惠鱖魚

昌黎集裏知名久山海經中取喻何柱後惠文渠勿恃

只今散地亦投戈

怪形未免遭支解香甲還應即鼎烹  
便與庚桑登俎豆何如郭索自泥行

舒州清明二首

架竹編茅數百家柴門隨分映桃花  
春風不辨舒州杓習慣淮鄉木杓茶

試著輕衫問曉晴野棠花下有清明  
不如獨上江樓去坐聽春潮送鷗聲

以雙梅二枝送郁簿小詩見意

連枝並蒂更同根結實雙雙向小園調鼎異時知有伴  
相期攜手上天門

六月二十一日戊寅率同寮詣登源祖廟中迎  
英濟禱雨是日也雨隨車至越翼日己卯繼之  
至中宵方霽自辛巳至于乙酉遂沛然霑足丙  
戌敬送神因書二小詩以紀靈異

潏號起雨風頭好禾稼如雲水面肥從此豐年無一事

前歌後舞送神歸

催科太拙愧無功  
撫字徒勞技已窮  
正直却應神誤聽  
祇憑香火報年豐

端午日被旨禱雨天目山次日至臨安縣道中  
伊軋籃輿度翠微  
蕭疎甲隊小紅旂  
杜鵑強欲知人事  
苦苦聲聲勸我歸

綠林深處轉黃鸝  
光景渾如初夏時  
尚覺風頭能瑟瑟  
却憂雨脚反遲遲

偕簿尉過石照山禱雨

紫金岩電間閃爍寶網香雲時吐吞  
況有降魔大圓鏡  
豈因旱魃更遊魂

怪生斗水蓄風雷喚取龍神睡覺來  
火急共為詩準備  
却愁頭上雨相催

野火燒渠經幾秋却將光彩閔深幽  
塵中縱有人磨鏡  
俗狀年來我亦羞

再和

向來赤地增愁嘆更遣蜚蝗恣噬吞稽首願天憐一雨  
只今未定有驚魂

一聲破柱走驚雷割得乖龍左耳來海水蕩雲疑欲立  
電光搖幟更煩催

石應皮裏有陽秋千載潛光待發幽說與山靈呈伎倆  
試令回顧合包羞

再和

白虹貫日憐精爽黑蜨擎雲怪吐吞急雨翻盆天借潤

摩娑杭稻與招魂

墨雲沃日度輕雷滿載隨車白雨來更好夜涼工杼軸  
籬根蚤有候蟲催

百箔蠶絲麥有秋田家此樂最間幽蒨號莫敗西成好  
里社溪毛或可羞

二絕句

問龍乞水龍何惜縱令一雨纔涓滴但願羣公坐廟堂  
且與慶元調玉歷

山石崎嶇路覺遙望中天目得能高洞霄雙徑無緣到

從事何妨我獨勞

原註時被旨者三人  
余被旨往天目最遠

十五日看梅花上雪銷已盡

問訊春風笑語溫軒眉花柳自村村月娥不肯空歸去  
先為梅花洗睡昏

素面青娥月裏回舞闌香汗粉融腮洗粧懶趁霜鐘早  
直待扶桑金鏡開

和人紫笑花

紺芭紫暈別家春不屬東君自寵珍  
丈室維摩元不病何妨時有散花人

和漢老弟夜雨詩

蠟紙燈籠雲母輕近來勾我睡魂生  
醒來驟聽空階雨疑是糟床壓酒聲

再和

眼看世事一毫輕莫把浮名絆此身  
却笑彭城風雨夜枉教松竹作離聲

再和

掩卷支頤萬慮輕  
家風元是魯儒生  
短檠已入秋堂露  
對榻猶便夜雨聲

再和

雨催詩興筆頭輕  
飯顆休嘲太瘦生  
華動淋漓清夜酌  
竹分瀟灑暮簷聲

再和

紛紛萬事醉中輕  
金石論交仗麴生  
鼓吹縱無蛙兩部

歡呼時和隔牆聲

次日出山又雨

一夜龍池霹靂飛萬山連雨出重圍  
莫愁隨步衝泥滑且得餘涼送我歸

和漢老弟雪中對梅

雪樣清虛玉樣溫桃花麤醜杏花村  
可能臘月頭開盡却恐春風眼見昏

雀抱寒柯窻弄影鸞窺清沼粉勻腮  
年來懷抱渾關鎖

為爾眉頭得好開

再和

青女催裝試手溫雲移步障到江村  
盈盈欲露含羞態  
便面還教月斂昏

舞翻綠羽雙垂帶酒引紅鱗半暈腮  
却是月娥憎獨步  
故教瑞葉一時開

巧為詩翁一笑溫白沙翠竹暮江村  
天憐孤秀教松伴  
一愛清香洗棗昏

先春破白風回面半夏傳黃雨著腮俯仰年華共流轉  
不愁無酒且顏開

仲南直學太夫人尊壽八十一適與余老人同

庚至壽日以綠橘眉壽春為壽小詩代簡

洞庭霜橘遣分珍以侑西山眉壽春

原註  
酒名

此日吾親應

念我請君歸遺太夫人

魚袋山

山名魚袋不尋常正在西塋水口傍往日先君親指似

果然紫綬印金章

近以續筋丹并瓜瓠送珣禪師有偈因和

此身非我何由病識破還渠大丈夫毒藥故應無用處  
不須錯認作醍醐

塗毒鼓中初未有維摩室內本來虛腦門一服須教裂  
試問禪師噉得無

欲將何物供齋盂慚愧初無乳與酥滅盡世間顛倒想  
元來烝鴨是烝壺

宗上人携育王書歸行化因以山偈勉之

問訊維摩遣化來上方香積甌生埃何妨試向朱門去  
會有青蓮一朵開

南坡牡丹今春大為風雨所厄遂稽勝賞世事  
至於不如人意十常八九因記得古詩有花發  
多風雨人生足別離之句惻然有感廣為十詩  
云

桃李用事能幾日東風笑人雙鬢華不須安石愁屢費

趁晴快賞洛城花

惜花常恨日不足無奈春歸太倉卒  
窓前喚起不關渠  
欹枕無眠待明發

安得萬斛蒲萄波一時快瀉金叵羅  
眼底春光看有數  
花前樂事苦無多

千朵姚黃并魏紅簇簇坡頭羅綺叢  
更須殷勤油幕護  
旁邊恐有妬花風

空花過眼隨塵土不如意處何須數  
一春數到牡丹時

坡頭日日風和雨

讀書不知頭白早却是儒冠多誤身  
陸沈黃綬非吾意  
慚愧東西南北人

未知今日定何日道是好晴難得晴  
來怕春風花底散  
歸愁暮雨樹頭生

花藤肩輿繡簾簇壽母顏紅雙鬢綠  
桃李陰中五弟兄  
起舞團樂歡意足

有花堪折且須折正愁春盡難為別  
官期促我不少緩

強道千里共明月

我輩不比少年時  
陶寫政賴竹與絲  
勸君莫種南塘柳  
只為行人管別離

和翠使君謝開府送牡丹絕句

東君屬意鶴翎紅  
喜入先生盼睐中  
蝴蝶亦知春事短  
向人栩栩戀芳叢

和陳倅寄南坡牡丹詩

功名悔不知津早  
自理荒裘吾欲老  
不論花木四時春

坐對溪山終日好

問人執戟明光宮何似醉鄉時一中春來百物不入眼  
賴有姚黃并魏紅

花間待公來亦久公歸花亦隨烏有鳬鴻忽墮寄新詩  
尚憶花前同舉酒

剪牡丹有感二絕

青帝工夫在牡丹花開時節奈春殘坡頭況有狂風雨  
莫惜金刀剪取看

剪却牡丹春事休  
鶯應惆悵蝶應羞  
綠陰滿地無人見  
倚遍欄干獨自愁

謝昕公取送藏經

足躡經樓步步高  
知公取送不辭勞  
他山佛會同携手  
看放光明禮白毫

慈氏院僧了通欲以常庵所書高明教尊僧篇  
付諸剞劂以永其傳以廣其流布居士歡喜因  
為說偈言

明教宗風留紙上常庵心法見毫端若人於此能三省  
成佛元來總一般

自餘杭至都下終日雨隨轎來但微細不能滂  
沲耳

小臣安得雨隨車聖主仁心天地如一念九重先感格  
百神效職敢躊躇

連日雨遂阻到草堂用前韻寄意

草堂松竹著寒輕晚歲相看益友生今雨不來增悵望

却煩鐘鼓報晴聲

傷春

一見花開一淚垂  
花飛有底急風吹  
自從臘後梅花發  
愁到牡丹開盡時

芙蓉盛開

溪山明處開三徑  
松桂叢中擅一柯  
天借纏頭三丈許  
紅雲不盡綠雲多

憶南坡芙蓉

宦遊木末寧芙蓉祇有埋頭簿領叢  
悵望家山天樣遠  
萬枝相映落霞紅

柿熟園夫不採可嘉

飛鳴爭啄蘋虬卵木杪斜陽幾點鴟  
紅葉堪書收拾取  
不妨分付鄭虔家

同兄弟小飲

寒擁紅鑪酒味醇杯盤羅列鬪時新  
却思三十年前味

只有鹽齏是故人

原註是夜亦  
以鹽齏荐酒

以長慶集送潘接伴

樂天長短三千首唐室聲名四百年大字正堪遮老眼  
向來刻畫恐無傳

余在吳門再刊此集

妙處由來識者難詩盟千載不應寒牙籤縹帙重拈出  
付與詩人仔細看

試筆

將軍萬里託封侯太史何須嘆滯留骨相生來無燕頤

毛錐且復事蠅頭

聞爆竹

慣憑詩酒弄光陰  
秋月春花伴醉吟  
不覺年華成晚暮  
一聲爆竹忽驚心

郡驛阻雨

狂瀾公獨障東川  
忠力能回尺五天  
千騎出遊應雨止  
尚須燈下理殘編

數日官兵來揀軍  
轎直拘還殆盡一  
出不可欲

往見鮑倅湯倅如隔千里因以四絕叙情

官揀羸兵教控弦出門寸步即拘纏蚤知行路難如此  
遊宦當初不著鞭

天寒東郭猶穿履路澀西家不借驢近日外間風色惡  
不如閉戶且觀書

在陳晚矣嘆歸歟似覺年來氣味疎有飯不嫌長脫粟  
無車那說更求魚

不惜頑軀走路塵祇愁徒步長官嗔何時竹杖芒鞋去

還我江山自在身

再和

不到蘭扉月又弦  
思君無奈寸心纏  
今時迺有晏平仲  
甘願親身為執鞭

宦路半生真跛鼈  
詞場末技止蹄驢  
南山縱自能招隱  
北闕如何不上書

春末牆頭梅偃蹇  
歲寒窗外竹蕭疎  
廣文一味清貧耳  
甌有懸塵釜長魚

滿城數日庾公塵性惡  
監田易得嗔莫怪向人多白眼  
祇緣錯見宰官身

春大閱望郡圃齊雲樓悼亡

簾捲齊雲春暮天  
綠陰都放淚痕邊  
去年此日憑欄處  
不見驂鸞駕鶴仙

中秋夕約二臺待月於齊雲樓夜深月方漸出  
亦未免有微雲掩映也

月娥不管夜深寒  
碾盡樓頭白玉盤  
却要浮雲作帷帽

風寒時得一斑看

雪後園中探梅得數枝

天人戲剪六花飛却訝江梅開較遲自是東皇私有約  
故教林主緩為期

偶見梅一株開花特大標格莊重尤可愛可賞  
世人譽梅必以清瘦斯豈不易之論耶

玉環天與十分肥弱骨豐肌不自持一曲霓裳何足道  
承恩應不任風吹

無賴風前萬玉妃為誰春瘦不勝衣  
信傳隴首香猶在雨暗江南子始肥

送藕

白藕分甘來玉井碧筒薦酒吸鯨川  
雪霜笑逐金刀落便覺橫塘在眼前

和林子長送藕詩韻

玉井蓮花十丈長如船藕實得分嘗  
碧筩象鼻誰相稱玉骨冰肌分外涼

冷澹論交味正長  
芙蓉盤嘉藕欲同嘗  
扁舟訪我須聞早  
莫待西風八月涼

和僉判建平書懷

堪笑夔蛇不自憐  
漫勞冒次險山川  
仕途醉眼青紅亂  
何地強分愚與賢

箕斂陳逋不問年  
里胥促迫政騷然  
關譏在野重為竄  
敢望公家不稅厘

只欲昏昏睡晚晴  
驚飛蝴蝶夢難成  
憑誰彈取山禽去

厭聽窓前聒聒聲

冷矣微官已倦遊  
未哉斗食尚遲留  
長裾懶向侯門曳  
任爾兒童笑拙鳩

新來花鴨已能言  
蒼狗誰知又變遷  
不覺書空成怪事  
未應嗔甚笑籃田

郁簿詩來記向來  
訪逮小酌家釀一兩日  
又將全熟矣用韻為約

酒紅拂拂借蒼顏  
一笑忘形爾汝間  
早晚小槽新釀熟

能來把酒對南山

家釀新熟分送小壺

酒熟黃花亦解顏  
糟床聲落夢魂間  
一壺往助齊眉餉  
莫遣新愁上遠山

再和

簿書朱墨祇愁顏  
毋溷維摩丈室間  
俗子樵人須料理  
為言爽氣在西山

再和

病起梅花未破顏無言空伴小軒間

原註軒名早梅

也知不是

緣詩瘦却笑相逢飯顚山

漢老弟寄詩三絕情見乎辭使人愈增離索之

感依韻和其詩

坐畫寒灰一豆紅梅花窓下膽瓶中只應相伴黃昏月  
情緒憐君與我同

送盡飛鴻眼欲穿家山政在落霞邊快來幸有梅堪折  
莫待相將柳欲眠

屋頭鵲喜報佳音雁足書來抵萬金一筋庖珍真念我  
朝來食炙有牛心

和韻

萬髮相看萬事休却愁縱跡又萍浮不須屢費譏安石  
有客還曾似此不

再和

四時甘味著邊頭百斛船中酒拍浮但得有錢能辦此  
何須左顧羨餘不

乘興過道院竹輿上再和

莫為彈冠忍一羞  
人生富貴等雲浮  
遙憐城郭重來處  
得似山林獨往不

和林正甫遐思湖上麗人絕句

風前柳逞腰肢活  
雨後山橫眉黛長  
欲把西湖比西子  
却成畫餅挂空腸

再和

漢苑梅花粧額半  
章臺柳葉畫眉長  
恐因巫峽能來夢

莫學蘇州枉斷腸

灑掃無礙室

太息仙翁了俗緣  
竹軒初日似當年  
不禁路凍新霜滑  
一誦遺詩一黯然

釣臺

橫足論交萬乘輕  
富春山水足平生  
從教太史占星變  
自是難忘故舊情

故人昔有劉文叔  
此地今餘嚴子陵  
行客漫懷千古意

相逢林下一何曾

四海斯文一范公  
雲山江水兩爭雄  
舊碑可惜隨煙燼  
新刻摩挲恐未工

過永城

河南名縣固多矣  
有底永城天下聞  
大抵地因人後重  
固知千載有知音

和漢老弟病起

床頭讀易編常絕  
紙背題詩字半斜  
示病維摩元不病

不妨丈室散天花

十六日舟中送何同叔

乍拋玉節去朝天分袂江頭却黯然只恐垂虹亭上月  
今宵不忍十分圓

得集賢回字

奔走年來已厭頻那堪萬里抗邊塵集賢說道虛傳耳  
慚愧中朝第一人

廣東漕王僑卿寄薔薇露因用韻

薰鑪斗帳自溫溫  
露挹薔薇嶺外村  
氣韻更如沉水潤  
風流不帶海嵐昏

美人曉鏡玉粧臺  
仙掌承來傳粉腮  
瑩徹琉璃瓶外影  
聞香不待蠟封開

田家歎

麥已化蛾猶未打  
蠶雖作繭不堪繰  
一年活計今如許  
只望西成我廩高

山前雨脚如麻下  
田裏水頭猶屋高  
祇恐無秧可重插

農夫相視敢辭勞

春暮

紅紫摧殘春又歸  
獨憐楊柳綠依依  
無端亂絮因風起  
漠漠晴天有雪飛

二子往赴漕試意頗念之二首

應為槐黃蚤著鞭  
擬隨鵬鷃上秋天  
老懷已覺功名誤  
只欲兒曹慰眼前

三年大比搏鵬志  
五日修途舐犢心  
齊奪錦標非分外

竈泉從昔慶源深

往雞山視曹甥營母坟夜歸

軋軋籃輿出暝途鑄錢塢裏驗青烏忽然月在千松頂

影落瓊瑤滿地鋪

原註坟地在鑄錢塢

仲本寄示詩軸中有臘前觀雪見懷之章具感

真情也繼韻以謝

誰戰玉龍看逐北尚驅鹽虎欲征西有人獨立城頭望  
一派寒光在乳溪

飯後過南坡觀雪二絕

晨觀已落園翁後飯已來時計一疎太息若曹誰領會  
更教能賦總輸渠

扶筇行雪又尋梅花下衝寒要一杯好事有誰能問字  
可須能載麴生來

微雪

霏微小雨灑通宵慘淡寒雲覆麗譙盈尺未成平地積  
六花應在半空銷

七月三日到鎮江欲過金山始登舟暴風雷雨  
忽大作泊抵寺岸則少霽矣回舟晚晴却遇便

風

忽然天外片雲飛風雨連江浪濺衣一笑江神真戲劇  
晚晴依舊送將歸

十四日雪復作

行令玄冥不敢溫一天雪重壓江村我慚白雪鬢巴曲  
天為黃筍洗瘴昏

寧是因風搖柳絮又還扶雨著梅腮先生擁褐方高卧  
惡客敲門勿與開

連日將行泥塗風雪因作二詩一以自嘲一以  
自解

薄宦才堪雞肋比泥塗風雪不償勞折腰始悟青衫左  
到底山林一著高

天公憐我太徒勞為散水花洗鬱陶翻覺籃輿清興動  
風流不減剡溪高

二十日南坡再賞菊

扶杖坡頭日幾回  
半醒半醉為花來  
只愁秋老風吹盡  
更向風前把一杯

移官舍菊種歸園中

殷勤分去幾枝菊  
官滿聊為三徑資  
不是園葵何用拔  
且無薏苡莫相疑

南坡丹桂五株齊開

秋風丹桂共徘徊  
應是姮娥著意來  
端為五人俱赴試

五株更遣一時開

原註今秋主簿兄  
以下五人赴秋舉

南坡丹桂六株一時放花真佳兆也中秋節當

率諸生同賞

六株丹桂一時華此去蟾宮路不賒莫惜中秋同一賞

明年好事總吾家

菊少花

菊不能言意自嗟淵明底事不還家東籬不負他時約

看取樽前賸著花

和吳升之巖桂

一笑姮娥不問金  
詩人未見已披襟  
秋來想動蟾宮興  
敢向風前徹夜吟

夜夢有人惠絲鞋一雙次日報除左史

官職元來莫浪求  
絲絢夢裏有誰投  
帝庭入侍應須此  
果應恩除在仲秋

夢中作蘂繪詩

香蘂擣就有餘辛  
細縷初飛白玉鱗  
莫遣佳人頻下筯

翠娥深處要人顰

詠古詩

柳子脂韋不佩弦  
癡心附麗老羈纏  
庶商浪說能為市  
吏賈由來却悟鞭

杜曲詩翁霜鬢鬚  
誰憐三十載騎驢  
五陵車馬輸年少  
枉讀平生萬卷書

韓子其人掘強歟  
羣兒頭角久相疎  
也知自是屠龍手  
溫水難教戀小魚

斗酒金鑾筆下春  
脫靴力士幾曾嗔  
後生不謂尋常事  
驚怪先生膽是身

前和拒霜詩似亦少貶再以一絕慰之

巖桂攬先還寂寞  
菊花殿後尚爛斑  
却應獨占西風好  
乞與佳名秋牡丹

姜總管相送至掃溪三十里夜雪中留別

相得詩人我與公  
浙江從此隔西東  
年來已是難為別  
更在山中風雪中

杯酒淋漓意氣傾離筵唱徹短歌行  
翻然解纜人歸後  
獨自蓬窓聽雨聲

一麾又指浙西州千騎東方且上頭  
已約好山供望眼  
更煩飛雪送行舟

文籍遭水

巍冠廣廈誦虞唐

原註先生頃在經筵

冷笑諸儒屋壁藏卷軸隨

車雖土苴末流清潤尚隄防

槿花詩

西殿涼風合斷魂玉奴終不負東昏縱然榮落纔朝暮  
也是曾承雨露恩

翠袖紅裳細錦袍紛紛兒女鬪妖嬈千枝萬朵遮人眼  
誰覺榮枯在一朝

光陰占取入秋來料想西風費剪裁朝暮相催君莫問  
一邊零落一邊開

草中漫說千年潤花裏休誇百日紅畢竟有生俱有盡  
大椿朝菌得無同

飯有沙二絕

東西斷渡欲浮槎朝來絕市無魚蝦我倉濕穀舂不得  
客米炊來飯有沙

厨人淘米不淘沙豈為先生惜齒牙烘穀旋舂供晚爨  
瓶儲未可笑陶家

舟中重午絕句

筠筒角黍楚人悲節物驚心此一時不作板輿迎侍計  
被讒真欲弔湘纍

久不到南坡

何許瀛洲更望登  
田園日涉與吾曾  
怪來松菊荒三徑  
底事歸兮却未能

南坡雜詩

三徑應緣二仲開  
定交笑指歲寒梅  
却嫌桃李無區別

下有成蹊俗客來

原註夾  
徑植梅

澗下初驚鬱鬱時  
十年春雨舊相知  
君看稚齒昂藏處

已有蒼髯老大姿

原註澗  
下移松

先生壠上帶經鋤一雨朝來土脉蘇盈尺槿籬須補綴

鄰翁殊未識龍雛

原註補籬護笋

太華峯頭開玉井若耶溪上識紅粧要遣秋風開菡萏

急須春雨漲池塘

原註鑿池種蓮

靖節門前盡日垂清風千載意誰知折腰五斗非吾事

慙愧輕儇一小兒

原註亭前栽柳

南坡雜興

咫尺南坡早得春杖藜朝夕往來頻迨今著意栽桃李

準擬他年作主人

東風已放二分春  
小小犁鋤手自親  
多少軟紅塵裏客  
豈知林下有閒人

道院周圍果實皆先居士手植因長老令摘送  
不勝追感再成山偈

仙翁久矣騎鯨去  
華表終朝化鶴來  
更待蟠桃千歲熟  
慈顏應認手親培

和林正甫碾茶

森嚴風味變腴甘未必能祛睡思酣姑為先生寬水厄  
却容歸夢到江南

肝膽由來自一家人間何許是真茶不妨更著薑鹽伴  
可但丘中詠有麻

以蓮心茶送江倅報以剝蝦佳句

十指纖纖笋透芽滿盤紅玉剝鬚蝦慙慙念我須分餉  
更問鄰家酒得賒

佳句妙醞鼎至再和以謝

不為河狔賦荻芽一壺且復薦枯蝦燈花也似知人喜  
來報歸期的不賒

荷葉浮錢蒲茁芽鏡潭寧是照魚蝦只今風月平分  
了便赴鵬程萬里賒

別後寄林子長

幸然頭角未相疎交道從來笑耳餘短棹忽來還又去  
得非蝴蝶夢周歟

安奉觀音

優鉢曇花果有花不緣詩酒到君家聞思大士應嫌汝  
枉費精神詠綺霞

和耘老弟喜衢得第三男

天教英物照階除又勝徐卿第二雛會見五男并二女  
宛如合璧與連珠

覽鏡有白髮詩

拂拭青銅照病顏  
勲名正墮渺茫間  
緣愁白髮三千丈  
蚤已朝來見一斑

割雞何惜用牛刀老大無心賦畔牢多少少年騰上速  
幾人曾得見霜毛

和林子長惠黃芥

小摘情親自履畦負霜含露末秋時綠葵白薤何須說  
潘岳當時恐未知

自鋤稀甲細分畦憶在西山獨往時便把須彌藏芥子  
箇中境界有誰知

謁先祖墓

欲知吾祖慶源深山下龜泉色更澄況有西樞銘誌在

吾詩正好刻碑陰

原註章樞作先祖墓誌有云龜財寒  
列源深流長允矣虞公子孫其昌

